



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 59. S. Malachias Romæ.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

tur. Quamobrem, cum jam ante Conno-
 reti Episcopum ordinasset, ipse Duni Se-
 dem fixit, quæ deinde in illa Regione pri-
 mum locum obtinuit. Ibi ergo, adscita
 Canonorum Regularium Congregatio-
 ne, solitudinis monasticæ quiete frui cogi-
 tabat, sed obsistebat convenientium tur-
 ba, quippe ad eum consulendum non me-
 diocres modo, sed etiam potentissimi con-
 fluebant, cujus vitam Apostolicam mira-
 bantur, & sententiam velut cœleste ora-
 culum excipiebant.

Sæcul. XII.
 A.C. 1139.

§. LIX.

S. Malachias Romæ.

Sub illud tempus S. Malachias Romam
 petere decrevit, ut tute omnia age-
 ret, facta sua confirmari rogaret, & Pal-
 lium postularet pro Sede Armachana,
 quæ illud nunquam acceperat, & pro alia
 etiam Sede Metropolitana, quam novam
 Celsus erexerat, sed Armachanæ tan-
 quam Primati subditam. (*) Intolerabi-
 le videbatur omnibus Malachiam carissi-
 mum patrem ex Hybernia solvere; sed
 tamen iter aggressus anno millesimo cen-
 tesimo trigesimo nono, Scotia & Anglia
 peragratis, in Franciam venit, ubi Clara-
 valle

c. 15.

H h h 2

(*) Verba S. Bernardi hanc Historiam scriben-
 tis sunt: Et defuerat ab initio Pallii usus, quod est
 plenitudo honoris.

Sæcul. XII. valle commoratus, sincero amicitiaæ foedere S. Bernardo junctus est. Tum Romæ ab Innocentio Papa benignissime susceptus, nihil prius inter calentes lacrymas ab eo petiit, quam quod ipsius animo altius infixum erat, ut benedicente Summo Pontifice Claravalle vivere & mori liceret. Id autem non obtinuit, quod Papa virum lucris potius uberioribus occupandum decerneret. Mensẽ integrum in Urbe moratus, Loca Sancta orationis causa devote lustravit, quo temporis spatio Pontifex sæpe ac diligenter ab ipso & ab itineris sociis inquirebat, quis esset Hyberniæ, patriæ ejus, situs & soli natura, qui Gentis hujus mores, quis Ecclesiarum status, & quanta in terra illa Deus, Malachiæ opera usus, patrasset. Tum, reditum parantem, Legatum suum, datis literis in tota Hybernia constituit. Cumque Malachias etiam rogasset, ut novam Metropolim confirmaret, Papa illico Bullam concessit; at cum simul utriusque Sedis Pallia peterentur, respondit Pontifex: *Istud oportet solemnius agi; in Hyberniam redux, Concilium Generale celebrabis, & communi Episcoporum consensu nuncios mittes, Pallium petituros, quod dabitur vobis.* Deinde Papa Mitram capiti suo detractam Malachiæ capiti imposuit, stolam quoque & manipulum, quibus inter offerendum uti solebat,

6. 16.

bat, adjecit, tandemque in osculo pacis Sæcul. XII.
 salutatum cum apostolica Benedictione A.C. 1139.
 dimisit.

S. Malachias in itinere Claramvallem
 secundo divertit, alte ingemiscens, quod
 ibi reliquos vitæ dies consumere non li-
 ceret. Sed quatuor ex Discipulis suis
 ibi relinquens, *bos pro me, oro, retineatis,*
 inquit, *qui a vobis discant, quod nos post-*
modum doceant. Hi probati & digni in-
 venti ad professionem Monasticam ad-
 missi sunt, cumque S. Episcopus, in Hy-
 berniam redux, alios misisset, qui eadem
 benevolentia excepti ac eruditi fuerunt,
 elapso biennio, nempe anno millesimo Chron. Bern.
 centesimo quadragesimo primo, S. Ber- an. 1141.
 nardus hos Hybernos additis quibusdam Bern. ep.
 Fratribus Claravallensibus remisit. Illi 356. &c.
 deinde in Diœcesi Armachana Abbatiam
 Mellifontanam condiderunt, quæ conce-
 pit, & peperit filias quinque. (*)

Malachias in Hyberniam reversus,
 Legationis suæ munere fungi cœpit, com-
 plura in diversis locis Concilia celebra-
 vit, restituit antiquas Traditiones, Epi-
 scoporum socordia neglectas, & novas
 etiam leges promulgavit. Quæcunque
 autem præcipiebat, tanquam cælitus edi-

H h h 3 ta

(*) Sunt iterum Verba S. Bernardi. Nem-
 pe huic Monasterio Cisterciensium in Hibernia
 quinque alia deinde originem debuerunt.

Sæcul. XII.
A.C. 1139.

c. 19.

c. 20. 21. &c.

edita recipiebantur, atque ad memoriam posterorum literis mandabantur; quia nempe ipse dicta prodigiis confirmabatur. Omnia in Viro Sancto conspicientes ad virtutem incitabant, incessus, aspectus, habitus, vultus. Hilaris spectabatur sine dissolutione, serius sine austeritate, tranquillus, sed non otiosus. Nihil negligebat, etsi pro temporum ratione aliqua dissimularet. Nullam rem propriam habuit, mensæ Episcopali nihil erat assignatum. Plurimum temporis Diœcesim suam visitando consumebat, iter pedibus conficiens, etiam postquam Legati Apostolici potestate eminuit. In Monasteriis a se conditis, quotiescunque poterat, hospitabatur, communi vita contentus & mensa. Hæc omnia diligentissime conscripta a S. Bernardo, S. Malachiæ amico, discimus, in cujus vita etiam permulta miracula, vaticinia, complura ei Divinitus revelata, pœnas impiis inflictas, ægrotantes sæpissime sanitati redditos, improbos visis prodigiis conversos, refert. Fatetur tamen, maluisse se imitatione quam admiratione digna enarrare.

§. LX.

Episcopi Angliæ carceri dantur.

10. 10. Conc. p. 1115. In Anglia Concilium Wintoniæ vigesima nona Augusti anno millesimo centesimo